

退

菴

詩

存

退菴詩存卷七

福州梁章鉅薛林

翁覃溪師招飲蘇齋觀蘇文忠公天際烏雲墨蹟卷  
守居閣子花朦朧濰州驛舍雪又融龍團淪罷鸚鵡去青  
眼誰許嵩陽同烏雲紅日變滅幻合七百載那辨泥爪鴻  
西東軒轅竟倩南岳老暉印來認深原紅蘇齋先生今玉  
局踟踟前夢湖舫空子容述古如可作項厨史篋難爲功  
猶恨前不見豫章文節公後不見吳下匏菴翁緜笙遼鶴  
等塵劫柯張二蹟渺若馳煙蓬何況虎臣與濠守雲煙過

眼俱怱怱百千燈光一合影六橋寶月飛晴虹石屏石盆  
那枝拇九霞洞與峩蒼通塵塵我亦墨緣結廿年耳食措  
雙瞳牛彝吼出環慶宮嵐脂笑爾漁陽馮

蘇齋師命題瓦當詩冊摹本謹步自題原韻

百五十年鴻印泥四十六載珍駢圭

林同人先生獲瓦在順治辛丑吾師詩在

乾隆庚寅

舊題新款森未齊酌古分寸勵攢躋長林墨寶輝

谿雒誦之孫提以西

謂林道山

金粟山中殷削梨

謂張芭堂

環句要

紹描曲枿藥洲官閣介福禔歸昌一震暗蝟蛄義和掣曰  
敲玻璃耿憶洵美思歸蕙陸莊精爽應所棲藉手於邑拜

斗奎

中有陸耳山師題句

靈光海內尊，鮐鯢婚書刊。落李矩妻同聲。

招通桃李

蹊辨譌，服於牛渚犀。判斷巧拙分，焉輓楚弓重。

許以技齋

章鉅新以所得蘭話堂原冊乞吾師題跋因出摹冊督和

蘇齋繩樞兼居稽

如故人對縈睽，攜平原。那不知撐犁王，朱未恕耳食。詆署

書益堅原品，題篆初變隸。精岐蹶直躡，倉史窮端倪。羽陽

何止訂寶雞，公非公是更導迷。紫琳腴復摹，緇墨緣石

德無町畦，延津雙劍相鈎梯。羅浮離合風雨淒，未可偏廢

分農縑二蘭，賡唱噉藹萋。

師會約同吳蘭雪李蘭卿同題原冊以續蘭話墨緣

上揖

蘭話交珀馨，香光歛吸天祿藜。烏絲闌中萬圓驪，猶不厭

聽鱗鳴澌霜鐘感賦酬達笑險韻莫掩詩格低辦香但蒸  
塗金貌願隨鞭笞鸞鳳官閣日日陪昌黎

三月十六日招楊蓉峯中允

惠元

葉芷汀侍御達玉

圃儀部廖儀卿

鴻藻

鈺夫

鴻荃

王蘭谷

道行

林少

穆四編修李蘭卿舍人看花施園索和

漫說蘭臺走馬忙偶聞佳處便尋芳那能花事如吾土已

借名園當故鄉

吾鄉花事亦以西郊施氏園爲最盛

青眼幾經老春色紅牕

正好醉斜陽

會飲處爲紅牕小舫

相逢都是忘機侶合作當筵笑語

狂

倪蠡蓬孝廉寓園中因招同入座

玉映蘭芬各妙年，  
鬢鬢也未遽華顛。  
放衙早有停雲約，  
飮

座還成滿月圓。

會者十人  
坐以圓几

酒伴大都如虎健，  
詩情多在聽

鶯先西崑他日編，  
酬唱領袖還推懷玉仙。

楊文公前身爲  
懷玉仙見詩林

廣記是日答  
峯居首座

二十一日倪蠡蓬孝廉

錫蒞

招同人續集紅牕小舫

疊前韻謝之

官閒卻爲看花忙，  
折簡重來餞晚芳。  
客子光陰惜駒隙，  
主

人况味本鱸鄉。

孝廉籍  
松江

竟招今雨成良會，  
纔過番風總豔

陽

距前會  
剛五日

又是新題須繼響，  
酒徒兼欲學詩狂。

退菴詩存卷七

陶寫何須概少年竹林一醉一回顛

會者七人蘭谷少穆  
蘭卿三妙年未到

澆餘東野吟腸澀捧出西施妙乳圓

河豚白一名西施乳  
是日孝廉得此餉客

杏館沾春知最近

園東卽南酒局

櫻厨買夏又誰先腐儒自有游

仙福轉笑還丹僕僕仙

張耒詩還丹  
欲問僕僕仙

蘭卿旣和予施園雅集韻復以長句張之步韻奉答

我詩紀事飄雲煙君詩沓來破午眠和章未足更督和長  
韻弗作枯腸憐城南花事近婪尾初日猶比芙蓉妍共愁  
過景墜茫昧忍聽春夢同推遷憶昨借園招近局倚裳濟  
濟蓬仙延入門聞聲識仲蔚談詩拭眼驚虞騫訪春有主

春亦駐醅花無語花粲然花間主客孰年少嬌紅慘綠相

新鮮紫薇郎君青蓮裔韶景不畏羲和鞭散花偶示維摩

病看花復踵拾遺顛

芷汀以事先散蘭卿亦以疹疾新愈小坐卽去故借用放翁詩句

花

前不飲方咄咄歸途誰識吟興翩我詩瑟縮君灑灑得不

絕迹驚飛仙仙才早傳花萼豔麗句更壓花城媯憶從昔

岑託世好紀羣之際當忘年比復招邀入詩境新題迭唱

建武泉蟲吟詎堪質大雅輸爾百斛明珠穿方期石緣結

深契更約蘭話差吟肩心花又逐花怒發心香一縷空中

連君家西園號花海廿年前屢陪花筵葭堂聽雨擊詩鉢



荔水銷夏張酒船

蘇葭草堂及荔水莊皆西園中勝境

祇今搏沙漸放手後

起已賽花嬋娟暮雲縱隔天末遠今雨恰喜朝簪聯買春  
早辦十千酒搖筆須費九萬錢散直無事此清課猶勝鑿  
井閑踈躑探花仙吏正輩出生花吉夢誰能圓何當仿作  
金谷罰還應醉倒名花前

芷汀招游崇效寺爲餞春之會疊前韻奉答

春城飛花散輕煙客子嬾過春蠶眠惜春重赴看花會餞  
春始悟花當憐城西十里棗花寺古時已擅花木妍妙嚴  
自合佛位置幽勝詎與時推遷石林先生興不淺踏花驄

馬無淹延芳辰恰趁天日麗小隊猶作風雲騫紅塵九陌

徑漸轉欹牆已露紅欲然入門花畦紛照眼蘭茗翡翠難

爲鮮態濃意遠不可昵國色豔奪珊瑚鞭搗來更入散花

室詩寵細認靈山顛從寺僧借觀拙菴和尚青松紅杏詩卷青松紅杏見真

實初地想見神翩翩墨緣所在各印可封侯作佛誰後先

王朱而降逮初白風味遞衍騷雅仙吾師詩又一神理盤

陀獨現曇花媽謂朱文正師題句雪泥畱爪過百載露電掣眼驚

十年效顰幾饒豐千舌擇地何如萬斛泉媿我春風雜桃

李曾經鐵網千絲穿種花仙翁早飄舉探花弟子方差肩

厯從尊前憶北海焉得空際招成連對花徙倚夕陽暮坐  
花重與開瓊筵花間詩簡忽飛到

是日蘭卿未到而  
以疊韻詩飛示

逼人

咄咄下水船才多詎患洛下陸口辨弗數甌東娟吟塲角  
逐本韻事買夏勝會將蟬聯先生何不作虎帥揮毫染盡  
山陰棧十盪十決各奮迅再接再厲休踣躄弩餘自嫌詩  
膽怯棒喝須待禪心圓

並汀喜  
談禪

詩逋更比花事急且應恕

我糶糠前

二十七日王月船孝廉

駒

招游崇效法源兩寺再疊

施園韻索和

夙駕猶疑聽鼓忙，惺惺都爲惜年芳。隨緣到處逢仙侶，覽

蹟相期遍佛鄉。

巡省佛鄉覽觀遺蹟語見法苑珠林

照眼紅顏猶昨日。

先一日同

玉圃芷汀儀卿在崇效寺看牡丹

泥人婪尾趁初陽，誰知踽踽停驂客更

逐翩翩舞蝶狂。

是日與蘭谷不期而遇

此樂相承二百年，參餘詩境又書顛。

先在崇效寺觀青松紅杏詩卷又在法源

寺觀覃溪師楷書金剛經

須知後起因緣好，也合圖成主客圓。雅調已

無膠柱笑。

飯後聽月船漁西小峯撫琴先是寺僧有阻客攜琴之事故戲及之

清齋卻在打

鐘先冷然，半日緇塵外，悟得偷閒卽散仙。

月船和詩未至，倒疊前韻以速之。

祇園自昔閱吟仙乘興何煩怵我先綵筆可如花葉好長

楸曾共午陰圓

崇效寺古楸見日下舊聞至今花尚繁盛

猶憐落地香無主

月船

盡收落  
碑以歸

尙未沾泥絮總顛合是君家領文讌風流須接承

和年

靜觀莫笑我清狂

方丈有王覺斯靜觀匾

別境無塵幾夕陽

舊有楊忠烈題

無塵別境四字  
今不可見矣

移竹客參仙佛界

吳天章有崇效寺觀雪塢上人種竹詩

看

梅夢繞水雲鄉

康熙己未鴻博諸公  
有崇效寺看梅詩冊

飛騰前輩多陳迹綺

靡予情亦信芳一例墨緣重結識催詩正比看花忙

四月初三夜飲蘭卿齋中三疊前韻

長安酒樓含暮煙城西酒徒多醉眠酒星三五出芒角磊

磊不受春風憐酒人如星易聚散當場肯負花月妍入門

無嫌喧客奪投轄不礙歡場遷是日先爲玉圃招飲酒樓中長林下車

已大叫仙李倒屣驚相延少穆邀同儀卿鈺夫聯騎同寓因更向蘭卿索飲家人

咄咄臧獲笑歛至竟似乘槎騫我言不速敬終吉西牕拭

眼銅荷然吾儕談讌須有託飭庖何必皆烹鮮杯盤草草

轉高致泥人那不停歸鞭論文總期樽酒足聽鼓早忘裳

衣顛詰且省署適有期會德隅觴政並脫畧高談雄辨還聯翩滿堂

滿室恣傾寫腹笥孰測邊孝先低頭或拜吟燕叟反唇又

到斟雉仙

席次所論如是

是時主人方止酒惺惺卻付一笑媽清

新正怯白也敵瀟灑共羨宗之年坐觀喧呶悄不語初如

劍氣韜龍泉偶然詞鋒間洞發蹲甲直比由基穿夜闌重

與轟拇戰尙矜手法騰鳶肩參橫露晞不肯釋真怕忘反

譏流連

少穆和詩及此

我聞酒中有監史三爵不又賓初筵如何

鄉黨紀無量孔觚仲榼浮觥船名教自然泯同異燕環各

態皆嬋娟始知潦倒異荒宴但要文字相牽聯比來壇坫

頗不寂五色競出膠東棧作氣幸勿再三竭策我十駕猶

踟躕美談定聞洛紙貴新題復來漢瓦圓

適覃溪師以瓦當摹本命蒲卿

與余  
同題  
急須詩成破酒戒更浮大白詩龕前

題蘇齋新裝建武泉范拓本冊後

泉圖屢隋籍作者渺莫記顧封書遞湮董洪得稍侈要皆  
錄泉未錄范圖法何緣測遺意小長蘆朱翊題辭大泉但  
紀新室偽金粟張君更廣搜建武庚庚辨欵識輪廓摹成  
徑寸八凸凹閒出五銖四十七年三月丙申官監省造廿  
七字蘇齋訂訛補張錄經史紛綸撤重貽推朔當承二月  
晦復初恰值半載次太僕所屬監掾蒼令通丞或勒各備  
大官銅壺亦左證彙人職金豈殊致偉哉論古匪玩物允



矣陳數甫求義側聞漢京泉法變白水真人振其痺閏位  
鼉聲空仰天蜀謠牛腹翻成瑞二十八品滌煩苛一十三  
策溥便利紫紺定免沒告緡赤伏從茲奠神器乃知斯範  
繫非偶卯金藉攷中興治三官博福想當年一枚厯姓無  
遺議惜予耳食闕摩挲夢裏生砂湧活翠範金合土晞舊  
規撥蠟翻沙觸新思安得分來拓本精日展晴牕益神智  
細量尺度慮虜遺儻補官儀紹統志

送劉梅治之官文縣

詩酒經年思功名萬里程與君俱有感此別若爲情隴水

浮鱗阻關雲遼羽輕揮鞭增意氣古調入邊聲

四塞真天險三關古戰場松坪沙似鐵玉壘草如霜  
今無恐茶徒昔所防時平須臥理慎勿薄淮陽

聞道天湫濶居然地產優魚蝦似南土花果勝中州  
烹鮮易沉吟憩樹畱如斯詩料好端不負名流

行矣莫蹉跎官閒樂事多綵衣便扶侍政譜細編摩  
君當最星輅我或過一般望春色青眼又酣歌

李芝齡祭酒

宗昉

以弟能讀隣工詩僮善種花客頻

載酒屬關午亭水部繪成橫幅索題

其者言不一  
心香滿心齋開之以書香羨君樂事富六籍供笙簧伯霜  
復仲雪師資差雁行執經定南陔尋詩倘西堂

詩人拓詩境芳隣通瓦藤已喜道不孤況復客多能風流  
數來往白雪消炎蒸誰知何水部還兼王右丞

仙曹愛種花春風醉桃李清課還自娛閒情聊復爾子淵  
不煩約阿段絕可喜問花花無語但識蕭穎士

詩情與酒事兩者常相須澆書每開甕坐花必提壺但均  
賢聖中何分主客圖拍浮人海裏我亦高陽徒

蘇齋觀蘇詩施顧注朱槩本

倉廳飲罷蒲桃筵湖州詩案灰復然毘陵先生若憑此元  
祐罪人亦可憐八注十注又百注往者蕭落如飛煙淮東  
板本最晚出醬甌欲覆梅溪牋紹興書遲嘉泰歲司諫業  
合徵君全惜哉海虞拾餘燼六百載後一綫延宋商邱特  
稱好事邵青門乃所見偏漫莊苦心且滅沒過庭孰憶都  
梁編曝書亭中失審訂浪許上客由儀篇銜薑黠鼠亦匪  
易臆補無乃唾查田遂令嘉禾混稂莠悵望缺月難娟娟  
我從蘇齋問蘇學入室輒許窺瑯嬛交枝亂葉尋一一壬  
寅註久精丹鉛

師蘇詩補注成  
於乾隆壬寅年

烏雲雪浪共神理華嚴法

界燈花圓傳家筆法亦足寶塏銘直逼邕師禪古香曠世  
如可接何不補綴重摹鐫趙右史本或來會范至能願誰  
當肩撐腸菜根不自憚日望玉局開鈴鍵瓣香庶憑焦尾  
本玉奴遑問雲階仙

蘇齋師以談詩二律見示謹步原韻

應官何必妨談藝退食居然德有隣誰意中年尙初學許  
於儕輩擬傳人風騷自昔須推激光燄由來蘊性真自笑  
如山無退筆更堪造次說通神

歡喜齋聆授記音

法華經我聞授記音心  
歡喜充滿如甘露見灌捶鈎鳴鏑共精

心迎機自有珠船獲向若終驚碧澗深清發先應輸小謝  
爾淵源邊敢齒諸任  
藍灣筠潭妍皮痴骨何時換準備良工腦

後針

除夕和蘇集中饋歲別歲守歲三詩韻

貧家乏長物歲事稍通佐隨緣不論錢鄉物卽奇貨堆盤  
冬筭鮮照眼朱橘大檢點亦勞勞藉卻亭午臥竊思狂獠  
俗穆若師子座太上本忘情往來任蟻磨後世務報施乾  
餽易招過免俗知未能有倡且復和

饋歲

役形光景速養性日月遲遲速亦一概既往誰能追問彼

退菴詩存卷七

七

實安往相思渺天涯非不愛春華珍此歲寒時我友招近  
局酒清矜亦肥一酌齊物我再酌泯歡悲且謀新歲歡休  
嗟舊歲辭天公別有贈我志無時衰

別歲

歲華與人意相憐若風蛇守歲一何愚乃持漏網遮迴游  
幹元運不運將如何板板偏不言舉世空謹譁君聽六街  
鼓終歲無停撾華堂燭未燼斗落參已斜努力待明發齋  
心補蹉跎吾道匪外求浮雲安足誇

守歲

春雪戲學禁體用蘇集聚星堂韻

夜來月暈抱雲葉夢中已似灑春雪侵晨拭目雪果成天

容人意雨清絕無聲著瓦增歲蕤作態撲簾儘曲折蕤蕤  
夾雨勢欲倦的的沾泥迹易滅離披如屈風力微翕忽早  
隨日腳掣祇恐斑痕入新髻卻貪霽景消醉纈自天焉能  
如所揣擇地翻疑都不屑差勝喜豈嫌來遲果有補何嫌  
去瞥掃徑真難知己值出門又懶逢人說不如擁酒學微  
吟和聲倘有階前鐵

雁塢題名唐石本

左拾遺裴休大理評事柳乘鄉貢  
進士柳槃大和四年十二月初四

登日同

永徽塢上富題刻神龍以來進士科自唐迄宋積氈蠟翠



墨日費千丸螺烈風黃鵠去不息枝撐漸圯龍蛇窠宣和  
重摹世已渺片石誰與搜荒坡此本猶存唐石舊九百餘  
載閱逝波柳檠柳乘系孰考一例千佛登彌陀大達碑銘  
定慧額想見羣從熟經過大和太和筆疑似蠹簡往往豕  
渡河分明一人八千口藉此印證砭其訛

有折大和字爲一人八千口者

見唐張讀宣室志

章陵初政實奮發拾遺評事非媿嬰濟源儒者

合領袖

唐文宗稱裴休爲真儒者見新書本傳

筆諫舊學儻切磋大書深刻

如有意區區腳樣甯足多平泉相業自不朽何苦士類紛  
操戈曲江局席盡掃迹無漏寺址滋新莎茲題下距十五

載尙免窮相遭譙訶

敕禁慈恩題名事在會昌三年

青雲驥尾事非偶

楷素草徒依阿君不見少陵平原蹟滅沒大名終古新  
羲娥撫言孰補王定保好事翻嗤柳伯和

唐顧升瘞琴銘舊拓本

未附刻妻莊甯楷書心經一通

瑤臺青瑣絕攀躋競向博銘拾斷珪誰識焦桐沈宿草更

餘貝葉出柔荑墨緣肯讓劉秦妹

唐婦人工書者見寶泉述書賦注在莊甯後

風味何如李矩妻正爲鷗波拓詩境雪牕重與辨懸黎

與

陳石士劉芙初李蘭卿同題管仲姬墨竹呈之蘇齋因復並凡賞此

繹山銘

退菴詩存卷七

三

瀉池壁返山鬼來魚膏燈燼篝火開咸陽上蔡並焦土何  
況蠶搜燔燬繹山舊刻古莫考羊車小徑夕照曠太平  
真君一拽倒野燎更接阿房灰棗木傳摹出何代得無妙  
手潮冰推徐騎省得之晚學果否信宿書門限當日窺輶  
首繹岱黃腫迤邐琅邪臺之杲碣石遞撰刻鷲鼻峯頂窮  
周迴龍門載筆獨遺此坐令歐趙虛疑猜我聞騎省精許  
學攸洩鍾文秦篆該說文攸字重文作洩注云秦刻石嶧山文攸字如此而今所傳鄭仲賢摹本不作洩殊不可解仲賢刊石卽徐舊偏有人水先難諧仲賢而降  
更六本浦江青社紛重儻胡爲秘閣廿五字都南濠又所

見乖兒孫雖遠氣脈共千載篆室矜煙煤區區肥瘦且不較珍此玉箸畱胚胎紀聞聊可續封演歌詩何敢同吳萊

管仲姬寄子昂墨竹畫卷

款作夫君去日竹初栽竹已成林君未來玉貌一衰

難再好不如花落又花  
開仲姬題寄子昂君覽

餘不餘英送夕暉竹梢竹葉掃芳菲憑將翠袖風懷好寫盡鷗波心事違君子誰能諠有斐王孫至竟憺忘歸花開花落渾閒事過眼滄桑有是非

蘇齋觀岱頂秦篆新剔十字

泰安令蔣伯生因培拓寄

名山第一磨厓奇古今第一小篆師嗟峨文字壓鍾隸伯

生曾跋曹丕碑

虞伯生題鍾繇爲曹丕作勸進碑詩云李斯文字更嗟哉

又一伯生生

苦晚汲古動我深嗟咨廿九字石毀復得七十餘載神護  
持岱史縱迷北平評具名猶備去疾斯夜虹熊熊玉女池  
風雨離合元君祠殘星鎮地作光怪瀆酒裂石無差虜飄  
然片紙遠飛到挂壁隱隱森鱗而如鱗一角鳳一羽已冠  
石墨千圓驅申屠徐鄭並斂手何況汝刻之杲遺我生五  
嶽未涉一遠夢直躡鷲峯陞安能三日坐臥對更厖右手  
精瓊椎墨緣漫託劉斯立眼福敢比江隣幾先向蔣侯乞  
拓本岱雲冉冉來焚檣

二月十二日與苾汀儀卿蘭谷蘭卿飲於福州鄉館

夜分始散

長筵要續社公觴生面新開燕譽堂

館中堂額

百數年光珍此

會

館例悅神飲福從無卜夜者

二分花事恰相當連番直接歡場倦破

例全憑酒力强醉去不知宵漏午露華如水月如霜

花朝日苾汀蘭卿同來邀往三官寺看花遇雪不果

畱飲齋中疊前韻

準擬城南醉月觴先來聽雪聚星堂莫嫌雨雨風風阻別  
有花花葉葉當酒國猶堪支兩大詩壇孰與服三強尋芳

好趁緇塵潤莫笑聯華鏡裏霜

和題蘇齋四十五年前裕軒學士漫圃題葉詩冊同

孔荃溪郎中

昭虔作

漫圃茅亭深接葉倚欄人記瀆西東祇今追和斜川集何

減蘇門學士風

冊中有荃溪尊人  
驛軒先生題句

三月三日程雲芬編修

恩澤

招同吳退旃光祿

椿黃

在菴編修

玉衡

胡笛農駕部

元熙

姚雪逸明經

培

賞修禊於城西之龍泉寺

夙約成春禊偷閒到佛鄉地偏始心遠僧妙共人忘香篆

維摩室鈴言替戾岡風幡一招手那記滾塵黃

曉潤掠芳甸寒光生遠林不知一夜雪已壓四山深天意  
矜春甚詩懷著酒侵鶯花原有分未必勝幽尋

借彼招提境聯吾儒雅師辨才經律論本色畫書詩皆可  
隨岑合花偏與思遲風流關意愜何必習家池

此亦蒼涼地興衰問世尊述聞憑舊井懷古到怡園

龍泉井相

傳爲范文貞公景文成仁處然曰下舊聞考未之載也  
寺爲王文靖相國熙習靜之地與相國舊宅怡園最近蘊

素君名理隨緣我鈍根荒莊廿年感重要乞淵源

雲芬以新刻惠松崖感應篇注並自製墨見貽次韻



奉謝

瓣香直到老君前，麝月分來歛浦煙。  
要識還丹原有在，但論守黑見猶偏。  
齋心共願吉祥止，餘事何妨書畫禪。  
宴坐誰堪伴清供，祇應日鑄品春泉。

展上巳日邀雲芬子彥同觀宋四家天冠山詩畫合  
卷畱飲小齋疊前韻

雲巖風洞鬱樽前，冷節翻饒過眼煙。  
陋室無多寒具污，晚虹猶貫燭花偏。  
當場欲判閒忙令，

子彥既不飲復寡言惟  
余與雲芬暢談往復

吾道須參活脫禪，元箸超超詞滾滾。  
絕勝物理問楊泉。

崇效寺西來閣前丁香一樹相傳爲漁洋竹垞手植  
四月十三日侍覃溪師往觀寺僧磨石乞勒記因

同作詩

題罷青松紅杏圖春陰猶與護庭株憑誰好事磨苔碣更  
想游蹤接柳湖枝墊百年成往事觴澆一例到吾徒戎戎  
毳滿西來閣墨瀋還應乞寶蘇

次覃溪師游崇效寺韻是日同遊者爲查梅舫廷尉

淳

陳石士編修

用光

魯服齋侍御

垂紳

戈珊如孝

廉寶樹

李蘭卿舍人

又從淨土起諸緣邂逅耆英省閣賢訂古都憑無量壽

尉廷

年八十有三師

談詩先判小乘禪著花樹有招譽意剔蘇

年八十有四

碑將沒字傳如此春風罄懷抱真疑人海地行仙

題蘇齋舊藏元四賢天冠山詩墨蹟卷

集賢高唱天冠詩虞王袁和妙墨同裝池月巖風洞那必  
境親覲詩禪畫髓紛然疑讀書何關射虎客羽士傳會鷺  
湖師四賢幽意宛如接三峯雲氣誰當披丹陽好事未勒  
石谷圍勝事踐良覲山水綠兼翰墨緣欲揖山靈話寥閨  
停雲曠跋那足辨橫雲真賞苦未析千載鷗波膏乳滴著

錄弟子又疥蘇齋壁

同林蓼懷明府游崇效聖安法源三寺

白紙坊邊舊柳湖經旬兩度訪浮屠  
朶香吟遍西欄雪又締詩盟到鼠姑

二百餘年跡已陳靜觀那易說無塵  
應山別境歸何處剩有琅華墨灌新

種竹看梅歲月賒和歌棗下幾籠紗  
不如領取當前景飽看長楸爛漫花

金源古剎雜花稀遍地松釵薜荔衣  
大定明昌無片石更

堪重問李宸妃

步芝齡崇效寺看牡丹韻

蘭畹金荃面面遮，獨持空管祝穠華。  
地偏更拓闔浮界，春去還矜富貴花。  
空外醉心仙掌露，靜中彈指赤城霞。  
莫嫌老衲趨時眼，閱盡珂塵七寶車。

連日顛風無靜柯，頻年春事劇婆娑。  
仙山遠隔藐姑射，詩夢空縈僊鉢羅。  
禮部儀制司有僊鉢羅花，見七修類稿。  
萬里客來芳草合，三

生話到落花多。緣情自寫苔岑感，敢計才如石鼓何。

酸棗合劉熊碑

汪孟慈舍人所藏宋搨本

東京王孫作循吏斷碑僅載歐趙洪許荆童翊尙能託史

筆

後漢書循吏傳惟許荆童翊敘及立碑事

此獨零落無完蹤古驛埋龜風雨

蝕無人辨識中郎邕圖經筆力相印合王張舊句初發矇

王建張祐

唐人所見要近古兼可旁證豐爲豐彼華嶽碑所據

古蹟記徐季海說將毋同歐陽集古嗟已晚俞鄉季子編

殘叢我生又在千載後廣陵世系孰折衷繼平者彪彪有

子安知彪不更衍鄉侯封好學德行例特翊君臣父子詞

亦工養以之福乃明哲於傳雖異史則通

碑中養以之福與今本左傳異

而與漢書律歷志文正合

六百餘字幾滅沒何況百八十人姓氏沉煙

雲茲本斑斕露鱗爪所得當倍谷口翁寒山舊拓果似此  
巴堂雙鈎難獨雄何當一一燈注影墨光歛吸秋宵虹重  
摹鈎戈勒貞石儕之蕩陰聞喜永永無磨礪猶勝新都稚  
子闕寥寥數字苔花鬆

退菴詩存卷八

福州梁章鉅芭林

陶雲汀給諫

澍

漕河禱冰圖

漕臣籌漕必籌水時非禱雨先禱冰冰心直徹冥漠表  
帝所倚畀神已憑靈風滿旗不可擬一夜吹冰作春水舸  
峩大艣滑遶來三十六陂帆影駛萬夫邪許神歡愉爲神  
乞封

帝曰都神倉正供急督罷神力効順非區區

詔下禮官擬神號臣心如水神所勞昭靈普惠貞應祠酬



神利濟東南漕封章我本冰廳人手敷

天寵雲霞新披圖復此景芳躅夢到煙雨珠湖濱爲政爲  
詩兩無礙新題又值消寒會大書須掩米家碑長謠但笑

舒王碓

王荆公事見  
魏東野筆錄

書施愚山先生遺像卷後

彈嶺源阮續續吟使君江水使君心誰知騷雅留真面閣  
阜山頭花木深

南能北秀各稱尊彈指樓臺豈易言千尺愚堂餽甕在辦  
香我欲探淵源

謁蘇齋遍觀所藏漢碑舊搨本同荃溪作

我生嗜古摹漢碑十年咄咄無師智欣來蘇齋驄初學怡

喜儀曹約同志君家纂述多達人季將元上風未替我亦

淵源千乘侯叔光叔節倘附驥孔宙碑陰有門生梁布叔光魯峻碑陰有門生梁愨

叔節都憑訓故窺聖心亦或桓靈慨論世披讀深嗟箝口難

析疑幸奉提耳記西京第一五鳳石非篆非分初變隸三

十四年詎牴牾改元當準安王制七人所作韓勅碑項伯

修猶識髣髴如何竹雲題跋疎不及滁陽拓本備臣雄臣

戒請守廟鮑疊孔鱗亦其次制可之制皇戲皇兩碑剝體

無歧致史晨奏銘前後刻畔宮畔官乃殊義揭跌竟補空  
山圖辨體欲裁絳帖偽任城諸石儷曲阜景君隸碑作篆  
勢黑文隸額惟武榮生卒無煩年月綴郎中碑雖三段列  
其間那有遼逝字面牆石今見真面石墨樓窗幾諦視得  
張亟齋故益彰微黃秋盦孰好事如斯集古豈無益由來  
問道先由藝鬱律深思好學心蒼茫及史闕文意昔者漁  
洋答樂圃摹寫未能抉奧祕鐵君亦酬陳不其十帖稱名  
已深蔽李錯曉巢集有賦謝陳不其漢隸十帖長歌歐趙  
按帖名始于北宋六朝以前碑刻不可言帖

洪婁尙莫攀碑英那復游梁帝師門獨許拓眼福翰墨緣

兼金石契縱觀不怕寒具污香酒美突且快齋是日留飲于詩境軒  
千里如連兗沛波一堂恍接金絲器作詩記事詫朋儕嘉  
慶紀元丙子歲

曉入德勝門觀沿堤白蓮

帽檐溼秋氣鞭絲印沙痕紅花露猶泣翠葉風自翻冉冉  
若無際行行兩忘言不知竭來路隔斷緇塵昏

十二月十九日招朱蘭坡侍讀陶雲汀胡墨莊承珙

兩給事劉芙初嗣綰董琴南國華黃霽青安壽三

編修集小齋作坡公生日

我爲坡公作生日上滌公生景祐始中經七百八十年十  
四回今又丙子當年丙子誰與同清都道人默存中沈遠  
琳老亦好事丹砂不駐芳顏紅惟公長生長不死玉宇瓊  
樓等閒視生前早信落鬼籍身後何疑注仙史今年丙子  
今日春松鶴齊來劉景文腹誦公詩認公面華顛綵勝髯  
絕倫

公次劉貢父春日詩  
莫笑華顛羞綵勝

我欲酌公真一酒又何侑之春

盤韭大江東去鶴南飛梅花香中公醉否拜公容易學公  
難吾儕何以盟歲寒再來丙子知誰健此會直作千秋看  
千秋遙遙一神理年年生日那似此笛聲先起紫裘生

是日

午前先在李蘭卿齋中拜笠屐像

畫圖須倩丹元子

擬乞友人繪丙子拜像圖以紀之

蘭卿借蘇齋所藏笠屐像及松屏真蹟卷爲供集同

### 人賦詩復得二首

早於蘇室悟邢房燈影分來妙吉祥

蘭卿齋名

想見笠簷傾嶺

表更移松翠接嵩陽苔岑落落三生石津筏遙遙一瓣香

莫漫新詩增百態定光咫尺斗奎旁

茶芽銚響起堂坳經數香生小鳳巢

龍茶芽經數香皆坡公作生日事見復初

齋詩

砭俗讓君追李委論詩到我媿梁交

公與梁左藏會飲詩論詩說劔

俱第一左

古歡合配新題巧勝踐判將歲事拋從此年年

作生日乞靈齋度福星包

朱子名印

我生公所生長區東髮服膺公之書公名在口不敢呼公  
印到眼翻瞪盱吾鄉磨厓無處無石墨絹素紛拓摹昇真  
洞口晚對廬懷王之硯青琳腴當年手澤珍珠圖此印儻  
亦同稽居胡爲南北風塵驅方寸直挾精靈俱海濱鄒魯  
卽泗洙今之媚學多駁朱我心惶然口囁嚅印兮將無警  
我愚文章性道非兩途知寶此者皆我徒匪物之玩惟德  
隔此心心印無差殊辨香迴向心地初萬古砥柱江河趨

種瑤草圖次蘇齋師韻同石士芙初蘭卿作

四十學道嗟鈍根蓬萊弱水誰窮源矜言致身福地爽得  
攀鐵鑱舉琅玕仙人種花如種草直以小草當芝蘭五光  
十色眾所眩妙手但作平等看玉堂名花茁連理花甌瑞  
景森奎躔紫微垣中青蓮種得氣早挹流霞丹而我道劣  
忝弱植向榮恐託因材難竊聞真仙洗毛髓不在玉屑傾  
銅盤孰栽種法孰養法頃刻鄒律回暄寒指雲干霄蔥蒨  
始心苗意蘖毫芒端菴羅本非思議境芳澤孰喻風騷原  
甘辛共氣言外領莫負日月壺中閒一莖一葉真實義千



吳者言不  
餘萬有參同篇他年雲步月華滿同岑認此苔紋圓

同芷汀儀卿訪劉心香邑侯

士棻

畱飲萬齋和韻

客厨先爲故人開恰值聯翩不速來十四年餘重把臂六  
千里外又連杯壓囊尙有詩如錦彈缺何妨劍有苔斗酒  
隻雞排日訂滿城風雨已相催

重陽前  
三日

不須搔首問悠悠柯爛山中局未收青海慈雲初結蔭丹  
山雛羽易摩秋終教合浦還廉吏聊可高陽續舊游我亦  
升沈齊任運懶將雞肋問楊修

讀北齊書兩首

北宮窻窳北城岌瑯琊龍子矯難縶士開握槊弗自戢翻  
教百姓叢中入臺前膏斧固所宜弄兵豈復真小兒腸肥  
腦滿輕舉措至尊駐馬空歔歔刀環築後白蛇逸早李新  
冰皆口實隔障青紗色已陳碎鞍赤棒威如失神獸門前  
獵騎鳴大明官外桃枝橫兄兄姊姊蒼黃裏尙有家家夢

未醒

琅琊王傳

老公盲眼下大斧老母饒舌不得語提婆母子計已成太  
阿終授范陽祖長安榭樹隨風搖中天明月生寂寥長城

已壞金囊走壘紱先馳紫陌橋

斛律光傳

朱蘭坡侍讀

瑤

所藏琅琊臺秦篆搨本

鷲峯舊蹟換申屠汝刻之罕有若無岱史文先廿九泐書  
門字亦再三摹可憐玉箸真源渺僅託琅臺片石孤神物  
歸然足珍賞未遑弔古到羸胡

楊樛隱約五夫連制可殘文拓不全臆本未容蘇守混頌  
詩誰訪苜公鐫力開篆室千秋業笑讓苔痕一色天蠶蠟  
直須傳萬本傲他素壁勒蒼川

良常山有始皇埋壁亦李斯書文曰始皇聖德章平

山河巡狩蒼川勒銘素壁見陶宏景真誥神樞第一篇

蘇齋舊藏蘭亭五字損本真影卷

昔題坡老嵩陽卷麈尾曾笑涿鹿馮豈知趙臨獨孤帖宛  
陵摹手尤怱怱真本不存存趙影南潯母乃東屏同當年  
買橫闕審訂不但解日輕刻確卽今燼餘見跋尾栩栩片  
片隨飄風燈光獨注練塘叟暉錦尙及編俞松凜然真氣  
詎在此雙杈三點迷羣崇尤延王順伯朱希范石湖不可作李  
巖跋云博古如尤王善書如董跋孰更搜戲鴻始知元賞  
朱范並所鑒賞見俞氏續考逸世外恨不起質鷗波翁我目未覩落水物山陰舊蹟馳  
煙篷並燼餘者亦我靳夢想闔檻開雕櫳朝來蘇齋擴眼  
福果響搗書亦足碓墨緣欣值快雪霽朱絲易辨輕雲籠

燼餘三片今藏英煦齋師處  
覃溪師以紅筆鈎識其影

焉得鼠毫仿退筆鈎勒好趁

憲噉紅

吳越金塗塔拓本

金塗塔本錢氏物錢王故事人爭傳虎巖鰻井盡荒落一  
握猶見金輪圓五王四世九十載乙卯刻是柴周年一十  
三州尙控制四百餘寺歡人天東南財賦遠輸納直以錦  
繡裝山川紛紛鑄金實鑄錯放手忽證屠刀禪綵繩宅雖  
未入夢西湖水已知難填萬姓恃王王恃佛佛應鑒此銷  
戈鋌保所保俶等讚誦一花一葉同雕鐫乃知納土積功

德已兆太平與國前胡爲朱叟闕審訂夔爾舊號紛譎沿  
我欲藉證歐薛史鐵幢鐵券俄空焉表忠觀碑風雨蝕白  
毫光景義娥旋四萬八千阿育義倘附經尾聞思緣哦詩  
欲起姜白石頂禮不數周方泉

文信國公琴銘拓本

錢唐江上白雁來獨松關外朱鳥哀冬青蕭條碧血盡天  
荒地老剩此枯桐材一彈天柱無人支再彈厓山海水飛  
宮移羽換絃索絕夢裏黃冠歸未歸青原寺本入閩路景  
炎祥興亦氣數二十八字譜壯懷萬里中原莽回互君恩

世慮一片離騷心王炎午邦測其故廣陵散曲何可追松  
風夜雨未必知危苦吾聞得此非無因前何後李厯相付  
我亦著手親摩挲隱約梅花斷紋露君不見臨安汪水雲  
隨身綠綺驅駝羣拘幽十摻難再聞又不見諸陵陵骨出  
人間傳看穿雲質貓睛龍肝等壞漆此時何地藏此琴傷  
心心史先銷沈螭脣鳧掌鬱光怪猶與嶺海同欹嶽玉帶  
生藏器深竹如意空遺音無絃之德彌惛惛但須拓紙日  
挂壁定有紫雲回薄東南岑

謝文節公橋亭卜卦硯

青原之琴信國物我詩猶作松風鳴橋亭復來文節硯蛟  
螭蟠鬱虹騰精厥修羸尺博半尺四旁行押縱橫迹石痕  
如接文山青墨瀋都含天水碧吁嗟乎弋陽不居居建陽  
提刑不稱況侍郎厓山風雨奈何帝無乃精衛心蒼茫是  
時趙家無片土區區片石竟何補端策無煩詹尹謀剔碑  
誰識曹娥苦我曾數過朝天橋斜陽祠宇多寂寥他鄉覩  
此增肅栗是物知不關蟲雕公兮成名公所悼此硯流傳  
公豈料猶惜十三卦說湮研朱何處窺幽妙

見朱氏  
經義考

公有易釋以  
十三卦爲說



蘇齋師致書陳笠帆中丞移城武廟堂碑於曲阜庭

庶屬同人賦詩紀之

城武碑能移曲阜所嗟祖石淪烟霏歐陽著錄歎膺鼎涪  
翁動色輕黃金我生又遲千載後日對陝刻慵摹臨何況  
紹京光宅本伏梁閣檻匪自今曹南宋石乃晚出至正以  
前無賞音矩型欲壓王節度上躡羊薄窺山陰何人廓填  
工策勒似代陝刻傳金針陝碑聲價轉勝此向來買橫輕  
璆琳我聞虞歐共法乳五方正色消羣禋石渠東觀備準  
的側想風骨真森森子山暉錦鳳一羽臨川厨篋虹千尋

邇鋒蹲佳法具在豈有頂滑肩欹崑貞觀儒風起衰傲陸  
釋孔疏昭藝林北堂書鈔極條貫通元旨述垂規箴黃銀  
篆印未刈缺青緗筆髓先浸淫眼稜面鐵者誰子坐令唐  
宋分升沈宋人說經薄訓詁宋詩趨巧失雄深高曾矩矱  
或佞錯支持運會誰當任蘇齋先生眼如電藝乎道乎審  
酌斟舉隅安能免汲汲破觚早與防駸駸往者皇華桑宿  
地榛垣手剔昏苔侵願言移龕庭庶邃料量檜柏交櫛椽  
中天喬雲旦復旦同文景緯開陰霓墨緣頻來一紙訛夙  
諾欲踐千秋心笠颿中丞亦同志果肯感激攄精忱庀工

飾廟嘉會際，瓊包輦置肅事。歆廿年夢結，削榭影一朝快。  
作移碑吟雅材，新意月印渚詩筒。畫稿苔聯岑，定陶河流  
接沫泗。金絲魯壁鏘，笙琴儕諸永。興永壽刻斯文，萬古懸  
杓參重煩。紀事虞勝伯，彼郢大鼎奚奇琛。

秋日與顧南雅侍讀

蒨

龔季思中允

守正

同遊西山

前後口號十二首

勝緣果許謁山靈，夙約初成眼已青。忙到家人齊好事，辦  
裝兼爲檢圖經。

仙骨舊聞龔蓋道，癡才爭說顧長康。一時合作支筇侶，那

可中無寄庶梁

帽影鞭絲夕照低  
蘆溝橋外草萋萋  
灣澗不辨桑乾路  
流水聲中信馬蹄

石龍溝外漸康莊  
樂府聲聲君馬黃  
莫較安身與行脚  
此

心先住小清涼

圖經西山亦  
各小清涼

馬頭眩轉盡嵐光  
一派青青接太行  
山近反迷山向背  
逢人先問栗園莊

籃輿落拓躡危峯  
絨路斜穿草靄濃  
翠嶂丹泉齊肅客  
月邊吹下岫雲鐘

拔地摩天十八盤羅喉嶺上碧攢攢徧參曠奧方回首記  
與他時拄笏看

生天成佛悟深深彌勒龕中來去今小住那無桑宿戀山  
僧知我下山心

亂流一棹影飄蕭歸路相逢不寂寥

歸途渡渾河循石經山下而東識得

石經山色好畫圖描作小金焦

輪蹄容易國西門清景難追雪爪痕笑我紀遊無健筆出  
山本不以詩論

詩思何如客思濃三生果否一樓鐘導遊但結同遊夢秋

在吳山第幾峯

客秋讀李芝齡遊記始爲神往並訂同遊而芝齡旋奉督學浙江之命

樂圃先生一事無如何勝踐新印須索他遊記隨身讀也

當雲端拍手呼

此遊本約朱詠齋爲導以他事不果

### 夜上潭柘寺

塵境漸以隔山靈如我延危梯礙夕照初地攀晴煙直爭  
冥冥逕微辨泱泱泉二分怵垂外萬象欣在前虹霓若縈  
帶樓閣紛鈎連暗中紺采現高際鐘聲圓履夷忘刺促卽  
事多悅妍况復嚴麗界彌愜耳目鮮名藍最勝處  
行殿之左偏金碧眩燈影笙鐘起牀筵賞心泯主客靜境

歡人天側聞茲刹古遠在幽州先

先有潭柘後有幽州燕人古諺

如何嘉

福號但記典午年殿鴟非故吻潭虬或嬾眠菩提本無樹  
枯柘奚由傳叩佛佛莞爾問僧僧嗒然且破米汁戒早參  
蒲褐禪明發事幽討種我文字緣

延清閣曉起

徹宵枕泉聲平明覩山色我懷自延清斯閣若舊識九峯  
展於南千竹亞其北嵐光綉筠簾煙意媚苔礮前軒足蒼  
秀後院轉翕絕心知琳宇幽境想爐案側櫛糝韜綠天幽  
煖蔚香國湖嵌陰森森竇乳韻血血我本緇塵身却游水

精域媿挾浮氣來  
那禁閒情默笠瓢  
佇所遭巾笥恍有得  
會當飽伊蒲卽復事登陟

元妙嚴公主拜磚

明孝定皇后以檀匣貯之匣旁有紫柏禪師贊

一片心畱大士前  
雙趺深處不知年  
相傳朔漠鞏笄貴也  
學南陽鳳履翩縹緲  
詞難稽紫柏侏儻號  
已佚青編憑誰珍  
重梅檀供曠代  
相知到九蓮

孝定后相傳爲九蓮菩薩

龍潭

寺中游已周更尋寺後路  
神龍不可呼潭水且宜游  
懸厓紆仰攀碎石窘微步  
前躋腳挂腰後逐頂接跣  
欲罷知未



退菴詩存

卷八

三

能相招不敢顧泉流漸聲聞亭角始豁露一法闕陰深半  
畝闕回互沄沄致自佳涓涓豈其素今年嗟蘊隆近畿闕  
霖澍願祝大小青亟慰飢渴慕飛騰在山清斟酌及時雨  
雖愆禾麥收尙及桑榆暮羣生逼滲漉深山亦灌注增我  
耳目雄洗茲煙霞痼龍兮如我磨我亦促歸去相與期後  
遊便當補奇句

姚少師菴

岫雲寺後白雲深省識西來出岫心流水尙疑嬰女罽好  
山如對泐師吟當年簷瓦飛龍識終古盤陀病虎暗爐火

淒清鐘乳澀更無慶壽唾壺金

大銀杏歌

西山銀杏大十圍我聞不如所見奇夜來入寺了不知歷  
頂但訝山屣屐平明起觀羣聘貽百步以外神先馳想當  
未有幽州時拔出草昧軒端倪有挺猶恐塞地維盡力擠  
作參天姿霜侵雪蝕老不衰千柯萬幹仍華滋三稜五稜  
鱗甲飛綠陰無縫覘娥羲僧言故事符

昌期

三朝翠罕聯英蕤一度一苗青瑤枝森森竦竦中邊齊丁

辰告瑞如有司神理所繫誰能窺  
固應永護佛日暉壓倒  
千栢龍淵遺俯掃殿角金元鴟  
使我譽樹難爲辭詩腸轉  
到蟾光遲定影更認閻浮提

上戒壇登千佛閣

犖确盤險巖巍裁切巖晶峭倩聳紫駝堂  
防壓飛鳥初探  
徑古異漸歷門窳窳風幡心已馳  
梯枕跡未了蒼茫佇極  
觀精進敢停躄誰知卓濶境更在煙雲杪  
八陁太行青三  
面渾河裊冥濛關塞秋隱約郊坳小平臨  
增肅肅羣立亦  
悄悄神定心乃遐天多地果少下界方  
登高斯遊詫奇矯

誰能重九辰真造大千表

是日重陽

### 戒壇古松

戒壇以松勝三松特雄奇盡收萬松氣縮入一殿墀一松  
鬱九本併力無參差皮畱太古雪力挂中天曦恒恐俄頃  
間卽看雷雨垂一松臥天矯半段旁躩踞勢挾欄檐去身  
成峯嶺欹橫行如可極佛力將難追別有活動松又變偃  
強姿通靈異骨節平等同幹支妙機孰領挈大柄關阿持

二語敬述乾隆年  
間御製詩意

偉哉梢雲質乃被倬漢詞

大智已超悟凡夫猶驚疑我無通神筆媿此傾蓋知沈吟

直養理浩蕩元精期瞑目攝其影畫肚營我詩出門莽回  
顧萬樹皆孫枝

宗室永菴及妻博爾濟吉特氏合繡地藏本願經全

冊藏潭柘寺中

皇條世胄挺岐嶷莊恪藩封再易職厥名永菴爵奉恩配  
者博爾濟吉特天家眷屬本生天更向梵天證佛力生天  
成佛兩茫茫一卷精心佛猶識持經無過本願經願海深  
深孰能測誓告空王一瓣香憑將弱綫千絲織鈿腕聲聲  
靜好餘針痕點點莊嚴跡清課慵登寫韻樓癡情笑謝迴

文格深閭苦行年復年放手先參解脫禪電光泡影無常  
住帝釋龍天俱惘然大千從此增煩惱合十何人續善緣  
誰知王孫亦結習轉因缺憾生牽躔曼陀夜雨空惆悵榆  
檣秋風肯棄捐舊素新練心悄悄紙皮筆骨事綿綿果然  
一字一諦具終教諸色諸光全首尾功成瓔珞貫中邊彩  
徹牟尼圓善男善女天作合一函也抵名山業蓮界三生  
法喜妻蘭幃十載維摩榻我來瞻仰增嘆嗟幾見天潢守  
佛臘藉茲精進警凡愚遍與塵寰蕩邪雜揚旨提婆如是  
觀鬪巧眷娘聊可壓自嫌饒舌來豐干敢託空言演賢劫

暫時眼福入寶山一例詩材壯遊篋紫柏龕前帝女甄金

經榭裏香光帖

是日並觀董香光所書金剛經全冊

黃霽青齋中題紀文達師九十九硯拓本

虎坊橋畔雪印鴻闕微堂上宵貫虹九十九硯半零落拓  
本猶作光熊熊弱者羸寸博羸尺方珪圓璧隨磨礪富或  
成章約數字自銘乞銘靡不工 賜臣臣克大業稱贈友  
友獲他山攻出塞不辭萬里路著書欲並千秋功爲都御  
史綱紀肅爲大宗伯神人通三館琅函奎璧合兩廊銀燭  
雲煙濃笏至虞初九百說詼諧猶足驚頑聾此時此硯孰

任使墨華想共春融融我家三世四十載淵源一脉歸儒

宗

師于乾隆甲申督閩學先大父以下皆執業焉

岸舟老屋我能記小草往往偏

春風示我閩中校士硯種花人去花猶紅

研贈先叔父太常公銘旬有云

可能還憶種花人

授我長生無極瓦臨歧握手憐焦桐丙辰下第師以漢瓦

雙硯贈行

墨綠石交厚期許影徂心在何終窮先疇荒莊並有

觸轉眼露電心忡忡忽緡此冊增慨息所感詎但同人同名山神理或憑此安得一一還楚弓遺編藉識性存叟斗室更招鶴山翁後之視今今視昔仰止山斗齊龕從

蘭卿集同人作坡公生日用坡韻題所製雪浪盆銘



箋

妙吉祥館臘雪屯飛箋招我開清尊適共蘇齋拜蘇像

同晨

荃溪蘭卿在蘇齋拜像

瓣香復此忙朝昏蘇公宦蹟所到處夢繞沫

水離堆村七百餘年一彈指公案又到今蘇門笙鐘鱗甲

本實境旌旗簞笠皆詩魂一拳片楮共神理真賞豈必真

雲根去年丙子啓壽讌兩家雪爪分泥痕今年勝踐讓君

獨歲華杯酒須重論仙源仙吏不期會

謂荃溪

散衙幾度窺

金盆詩盟墨緣起念念此是燈影圓光存

題蘇齋壁上太白少陵二像合軸

千秋萬歲共操持光燄文章倘在茲雲樹參差樽酒外風  
霜遼瀾鹿門期金鵝香象痕難認鳳髓鸞膠美孰貽洗盡  
當年輕薄哂退之而後又微之  
孰是敷腴孰瘦生三才萬象浩縱橫百年想共匡山夢千  
載如聞短褐盟大藥遑期拾瑤草枯腸但擬乞青精辦香  
縹緲齋糧遠會得蘇齋仰止情